




徵齋約言

乾

十武  
497  
/



門中武  
497  
卷 1

南泉淺井先生著

# 黉瘡約言

先生曾著此一書以為循誘之一端小生等互傳賸寫魯魚動錯以故苦請刻之於門塾而且欲以共于四方同志之徒觀之以得會其秘旨則不特小生等之多幸此之冀云

門人 岡田斯文謹識

## 黉瘡約言序

周官有疾醫有瘍醫疖瘍者造為則使醫分而治之驗其狀而制其祿可謂備矣後世友失其職方治不傳西今之所職由僅三經二治舍此將何適在尚能傳之老授此以得符乎古道豈不度谷望音之可喜



者耶迺三經二論斯謂能盡之亦可  
然病有古有而今無者有古無而今有  
者若夫徵瘧結毒等其一也世之是  
古而非今者到乎此窮矣不汲不悛  
方於後世當宋元以降二之哲匠出  
於列焉衍譯焉輒迫其疾寢多  
其書隨出然一是一非不可不擇矣

必陳氏秘錄其說雖奇則奇不能無  
其弊既有其弊亦不可以不擇矣  
和華子元有見于此乃撰其所歷試  
輯為一冊子且欲以滿陳氏之弊  
其意可善書成問序於余之又謂  
本邦古者王室之盛畧設典義局  
置博士以精其道和氣氏之若華醫

可以想矣嗚乎道之陵夷豈可不嘆  
 率子元尚能擴其業亦豈不忠若  
 登音之可喜者耶故序以勉旃  
 寶政庚申於

醫學院法印源惟和後



徽瘡約言序

大凡醫流所以難於徽瘡之治者蓋  
 古昔無其病經亦闕其治方而不知  
 所可據耳矣夫王者之迹熄而關雎  
 之化亾輓近之世風俗頹敗人情淫  
 恣自致此臭毒之病不亦傷乎加之  
 庸醫以其無可據古各定治方於其  
 臆見暗投妄治還成禡徽黷於骨髓

而使誤終生者最多所謂吹索之疵  
誠不僅僅也及明陳九韶著黥瘡祕  
錄雖頗備其法方而人或稱之而其  
書辭論尚華藥石好奇不得不負實  
學醫者奚適從焉余頃者游寓於

日本瓊浦客館偶遇平安廣川子多時  
出一書請序於余曰此是友人和氣  
子元者所著名曰黥瘡約言子元嘗

研究心術於此治博施洽救之間以  
其所發明遽有此撰乃閱之論說精  
確法方完美而皆切緊於事者不一  
趣虛自非其志之敦其業之成豈得  
如斯哉嗚呼黥瘡之治旣無以可據  
古雖劣昉軌轍於陳氏而非無間然  
則今此書之成也可謂規矩益定而  
學者得所適從也矣子元氏之撰亦

善哉

乾隆六十歲次乙卯仲秋

安嶽 梅菴梁基



徵瘡約言序

和氣子元者世精醫典四國負笈其門者不少海內舉稱名家其施治也  
有法有則能審病曰能極方意刀圭  
不局皆繫患中如今之鑿古藉多執  
而僥倖治於萬一者胡可似也頃者  
著徵瘡約言二卷與世所行徵瘡秘

錄粗同大異其故何則子元者就徵  
瘡秘錄採一方以試之一病若無效驗  
則省之遍搜華夷古方補其不足深  
察明世之不然与土地之異補寫無  
泥自製家方四劑以四靈名之撰其所  
應試良方數十條盡美矣又盡善也所  
謂一張一弛之術其言約而其旨廣

矣余謂輓近此病之為害也無都無  
鄙一深之必無罪而或被劓或被宮欲  
死不能死欲活不能活恰如要囚之受  
訊鞠極攻也然且流毒子孫與夫天  
刑痛同類仁人君子忍坐見之宜哉子  
元之所以潛心乎茲此劑一成四國依  
賴焉与每人口授以導之其功懸隔可

知己子元素為名家此舉也奮起仁人君子之不忍而不為賣名術術之設必矣因感其志作序贈之云

享和元年仲秋

太醫令丹波賴望撰



微瘡約言目錄

卷之上

統論

微毒候法

下疳瘡

便毒瘡

楊梅瘡

卷之下

結毒

結毒雜方



黴毒屬證

淋疾 痔漏 疥癬 鵝掌風 結核

陰癰 囊癰 懸癰 腦漏鼻淵 雜證

婦人黴證 併小兒

禁解毒證

解粉毒法

溫泉浴法

禁忌法

黴瘡約言卷之上

日本 兼議郎通事舍人越後守和氣惟亨著

丹波 平井庸信

門人 平安 村上圖基 同校

澱城侍鑒間島信言

統論

黴瘡之為病古昔無有乎是以治之之法亦無傳於後世也近世說者云濫觴于嶺南之地餘波遂及通國吾本邦昇平二百年干戈不動鼓鞞不鳴人

民驩皞之極或流逸惰七情妄動五慾肆發男女猥狎之感最甚而淫火相搏濕黥互深徵證亦於是生焉治則雖僅昉於元明之中間皆擇而不精語而不詳翻足以眩惑人也予嘗有憾于此乃參攷其論說亦輯所親經驗之方劑作此一編於折中之見雖不敢自處而同志之徒觀之以求予所苦心則或免費人之嘲云

○世有懲癘秘錄者頗似盡此病之論治是以舉世稱化毒丸效用專左祖於其說者間亦有之也然陳氏所論徒崇飾文辭忽棄實用不可必信從焉蓋以

除之則無他備考閱者故人或不得不由其轍豈不遺憾乎且其言云碑石之真者難得云云初傳者猶為難得則後世而異域焉能得其真者乎縱得之亦何足遍國中况煅煉失法處治非詳雖欲以奏其效而得焉哉此書之不可決而據也蓋此類矣

○此病或因父母之遺毒或因居處之卑濕或因飲啖之不潔或因病娼擁妓或因傳染於穢惡不祥之人焉苟失其治則黥毒粘腸胃骨髓終生不復者頗多矣人豈可不儆哉而其生萌芽也玉莖生一粟狀者而作白或赤腫焮痛甚則膿血潰爛痒痛難忍搔

則出黃汁者名曰下疳瘡俗又曰妬精瘡而後勝股之間生一結核腫痛者名曰便毒俗又曰血疔自是而或楊梅或天庖其他惡證駸駸乎生焉故於初起之二證治方中正鵠則當收全效矣苟其治之納鑿後患詎僅僅哉

○微瘡秘錄論五臟所屬之瘡形及不發便毒疔瘡而成種種病狀者惟亨按是牽強附會好辯之失也太抵係此毒者輕重緩急雖不同為病次序不甚異故予治方概一貫特於結毒一證始分五臟所屬又預紀治效之期限凡輕證十日至二十三日重證則

以十二日為一紀二三紀至四五紀其最劇者半歲或一歲不是拘紀數也而此毒以易浸潤濕淹故雖輕證不經二十三日則未易瘥况至重證非累百日或二百日何能奏其效乎僥倖得頓治亦何至除根抵乎預使患者服其理而無倦治療則萬全也耳

○此證都會繁華之地最易滋蔓而得之娼家妓肆者十居其七遊冶少年一染則遂嫁禍於妻妾而生育者業受其毒於胎胎至長大亦復自感受則舊毒與新毒相搏煽動瘀血凝塊其他諸證也加之治療夫宜守養不嚴終至不能起者皆是矣人豈可不儆

戒哉微證雖有數途發于遺毒者最為難治醫亦可不用心哉

○微瘡之發也雖傷皮毛肌肉必發於筋膜骨髓非疥癬諸瘡之比也其最劇證顏容變常眼耳盲聾鼻梁破壞骨痿柴立至難與人應接者皆其驗也故雖分五臟所屬多繫在於肝腎二臟也

○此毒之發也必係任督衝三脉故於上部傷鼻梁於下部傷玉莖或為痔漏脫肛腫或為會陰壞爛也而便毒者生於腿胯小腹之間乃是厥陰肝經及任督衝三脉隧道精氣融達之要關也察其所由無非

濕與熱相搏而成者也凡濕不得熱則不能腐壞肌肉譬如盛夏炎熱之時羹臙却未饘餲秋涼之交濕熱共行而無物不腐爛也於理為甚明

○俗間庸流漫用輕粉水銀煙藥薰藥礮石鉛朱五寶奇良之類還誤其人者亦不可枚舉何妄浪杜撰乎予最太息焉譬諸庸工御騏驎凡手擊鑊鉞苟用之不範名蹄銳劍何利之有夫或自招顛創之患耳○世療微毒有用灸法者其言云遺之發灸瘡其瘡潰爛則毒從膿血而太嗟乎是何言哉蓋微氣之客人身雖未見瘡形大忌灸火誤犯之則後必為頭痛

目眩咳血赤眼聾耳潮熱盜汗種種難名狀之病論  
曰火氣雖微內攻有力焦骨傷筋血難復也予於此  
一證亦言也

○或問子治黴瘡結毒證大約限治期而無不如其  
言者何以至此乎予曰非謂能之但施治之多年而  
會心應手之極自覺所以然而已磨諸行熟路計常  
程亦何猶豫狐疑之爲然才挾外證者已非此例也  
治要在臨時而權斷耳矣

○又問世之名治黴毒者動用蠻藥霜藥水藥霞藥  
等之異劑雖間能得其效猶或恐有費人之恐矣今  
見子之治方多是尋常坦夷之藥右如非甚奇術然  
而能奏殊效救僵廢者獨何也予曰索隱行怪君子  
之所做戒能以常常之器作奇奇之用者實活手段  
也然其證酷毒不得已則或新製一家之方劑而蠻  
藥霜藥亦有時而用焉坦夷不必利酷虐不必害專  
之則奇怪節之則正確子何特疑予之所爲

○大凡醫之臨黴證也先診之須要立得已之意見  
而機變應用之方泐決然定斷矣不然則規範擾亂  
倍謬而倍惑終使其人廢痼者實鑿之過也故其初  
沉潛反覆不敢輕下手迨投的當之治先告之以治

效之緩急遲速而決不要為病家漫促責易確定之見也苟負鑿言脫戒令者措而莫為治

○徵證之治雖終始有序都貴一轍必不要狐疑屢轉方劑焉故子常曰徵瘡之治一診而成敗預定再三則瀆也

○凡徵毒北人少南人多傍山者少傍海者多村落間里少都會繁華多大人君子敦厚之士少小人賤者輕薄之兒多可見濕熱之蒸鬱必因居於溫暖卑濕之地失乎飲啖情慾之節也而輕重深淺者亦各因稟質不同故治術之要在於機變應用而已庶希

學鑿者不為刻舟守株之治云

○予有此編也采博攬眾竊欲以折其中故方劑雜糅恐不免骨董之目若夫結毒一證之治頗出於彙測之臆度非嗜前人之糟粕也觀者愍予所苦心幸孰大焉

此處為書中正文，因字跡極淡，內容難以辨認。

徵毒候法

○凡臨病人，天庭兩額隱隱有黯色者，是徵毒之兆也。甚者上胞下臉，黧黑慘慘也。

○平素體質嫩白，皮理隱隱僅有斑黑點者，又其兆也。以上二候，蓋發於遺毒也。

○其人，不病而聲音重濁者，有徵毒也。

○凡人當丁壯之時，面上生粉刺瘰癧，最甚者，又徵毒之兆也。

○凡人灸瘡難愈者，及刀斧所傷，湯火潑爛，久難愈者，皆徵毒之兆也。

○游治少年華中時痛時痒者當發疔瘡之兆也其初起華頭少發白瘡如粟粒者用祝藥即愈如經五六日痒痛如故徐結瘡根者其證至重是不可求速效以劇治能候其虛實緩緩施治為要矣

○平素下焦畜積濕熱之脉候之尺部特陷下而沉緊時見結瀉者必病痔脫淋疔之兆也

○凡徵家脉沉澁遲滯以其毒壅結於經隧之際也經久則血枯氣乏故益沉結無潤澤之意當是時宜用解毒之劑苟見滑數洪大者必斷不可與之

○凡徵瘡雖發於陽分其毒根乎陰分故見陰脉者為從見陽脉者為逆經云脉病相應者生此之謂也仲景所謂陰病見陽脉者生非此例也

○太凡察徵家有他脉他證者當先治他證而後從本治也先標後本者此治太意也亦猶傷寒家先解其表而後救其裏也

○凡候腹部有聚氣從左邊起着胸脇者梅瘡將發之兆也又從臍左右上至胸脇者雖有毒難發當與流氣之藥而後用發劑也

○從臍右傍按至臍下有聚氣為楚者疔瘡也強按之應莖中少下有聚氣者陰癰也又見于其傍者便



毒也。凡濕毒見於臍，右傍疔癩癥結見於臍，左傍雖是非，一定之診法，而概不得，不然也。同學徒須默契焉爾。

○凡候下疳便毒，臭氣甚者，毒亦深重也。

○凡候楊梅瘡初發，無惡寒、頭疼、瘡形乾而細小、頭面稀少、口角全無、項下胸背最多、穀道亦不發、筋骨不疼痛者，輕證也。瘡狀紅紫且硬，堅手足最多，如火潑浸，滲出汗，兼筋骨疼痛者，重證也。且臭氣不常者，多變結毒也。

下疳

○太凡徵毒之生萌芽也，雖有數途，而其初多發於

陰瘡也。其陰瘡者，形狀有三：一曰妬精瘡，此證多因久曠房室情慾不遂

陽物浸與敗精滯結莖中也，初起如粟粒結為赤腫或潰爛作白痛痒妨悶也。二曰陰蝕瘡，婦人陰器未淨敗精常濁者或月水

未淨者或婦家淫婦狎媚有毒之客未洗浴者與此等交媾則毒精傳襲必發此病初起陰莖連累丸腫痛小便如淋莖中微腫為小核也婦人則陰中生似

疳瘡者唯不痛三曰下疳瘡，上二證經久而至此小者次第蓋下疳者

塗王莖煽動陰火者皆能為之此雖有小異，同其實一也。或曰耻瘡，或曰

臊疳，或曰陰疳，或曰陰頭癩，或曰陰頭瘡，或曰蠟燭

發，又曰蛙疳瘡，或曰蛙幹疳瘡，或曰卷心蛙疳瘡，皆因其形狀名之耳。

治法

○凡治下疳瘡當先辨病之劇易輕重而後施治也而諸家舊方頗紛錯今撰其雋永續之以歷試家方庶希初學之徒就之以省求索之勞云

○凡易證者初起玉莖生妬精瘡如一粟狀結微腫不紅小便自利痒疼微痛通用清肝解毒湯主之肝火上衝胸脇苦滿牽引腰膀者小柴胡湯加青皮龍膽主之亨按方書多用龍胆瀉肝湯然奏效不速故新製清肝解毒之外方方意較同而效驗最速同志之徒試之以知予之不食言外蒲藿散洗之藥丹散傳之而瘥其最輕者不須服藥但用傳洗二方即愈

清肝解毒湯家方 陰瘡不論劇易不問遲速通治之

劑也徽家初起先服此劑則預免衝逆之後患

柴胡 連翹 木通各一錢 當歸梢

山梔子各五分 大黃八分 甘草三分

右七味以水二合煮取一合溫服以下謂煎常煎服者

皆微此其具者各方下亦詳之凡服藥中禁忌見於後卷如餅食臧否隨病之輕重又當以意量之無必膠其柱也

蒲藿散自製 妬精瘡陰頭結腫者以之洗則熱解腫消

蒲藿二錢 黃蘗一錢 枯礬三分 甘草五分

右四味水煎適寒溫漬患處又洗之

麩丹散 自製 下疳瘡通治之傳藥也

烏賊魚骨 黃蘗 各二錢 黃丹 五分 五倍子

阿僊藥 一錢 枯礬 六分

右六味為細末和香油傳之

調疝散 自製 陰頭小疝或因交媾摩之而無毒勢者

溫湯洗淨其瘡口以柔紙拭去其濕搽此膏則

愈是輕瘡即驗之良方也

蕎麥粉 五分 赤小豆粉 三分 輕粉 一分

右三味為極細末搽之若瘡口乾則以津液濡

之後搽之

銅菥散 醫學入門方 治重於前證一等及婦人陰部濕淹難

乾者

五倍子 五錢 白礬 一錢 乳香 五分 輕粉 一分

銅菥青 少許

右五味為末湯洗濕處搽之

洗痒散 自製 治男婦一切陰中為痒者

荆芥 薄荷 地床子 黃蘗 各等分

右四味水煎洗之或陰中痒而濕淹甚者以蛇

床子朴硝二味煎湯洗之亦佳

○凡劇證初發寒熱時作玉莖腫大瘡形將盛疼痛

日甚者先以麝香湯洗之內服草薺解毒湯然猶潰爛疼痛難忍呻吟動四隣者以前方洗之以雞卵膏傳之內服乳香止痛散也而此症毒氣溢于內最甚或當備結毒諸方預防其後患也

麝香湯 家方 平莖潰爛痛甚者洗之妙

乳香 沒藥 連翹 蘆薈煨各五分

黃蘗 八分 麝香 二分

右六味水煎適寒溫頻洗患處

草薺解毒湯 家方 下疳及諸毒瘡通治之劑也預服之則免微瘡結毒之諸患

草薺 二錢 金銀花 大黃 木通 各一錢

川芎 皂角子各八分 甘草 五分

右七味照常水煎服

雞卵膏 家方 治疔瘡及諸瘡痛甚者

白蠟會津產者三錢 雞卵 二枚 松脂 十三錢 樟腦 五分

麻油 一合

右五味先以麻油入潔淨鍋內慢火熬下白蠟

松脂雞卵以柳篋篋攪片時候其漸凝而貯瓷

器聽用

乳香止痛散 入門方 凡疔瘡疼痛不可忍呻吟呼者

服之妙

罌粟殼一錢二分

白芷六分

炙甘草

陳皮各四分

沒藥

乳香各二分

丁子一分

右七味水煎服

○凡下疳瘡瘡口甚大玉莖腐爛毒氣猛厲穢臭難當勢將崩潰者急以燒酒煎方洗之以天水冰片散搽之內服靈粉丸以遏腐燥瘡不然則玉莖脫落亦莫如之何而已救之最貴急速而其人壯實勢逾熾盛者宜用梅肉丸時時大下之此不啻逐毒氣亦預除後日骨痛結毒之患也乎

燒酒煎方自製

治蠟燭發漸漸侵蝕不可遏者

乳香

蘆薈各一錢

樟腦二錢

沒藥六分

右四味以燒酒二合煮取一合半頻頻洗患處

天水冰片散暗渡慈航方

治蛙疔瘡潰爛甚者

冰片二分

靈天蓋火煨二分

蘆薈一分

黃蘗

輕粉各三分

真珠一厘

右六味共研為末搽患處

靈粉丸和方

玉莖將落及瘡口濕淹久難愈者主之

輕粉

靈天蓋各一兩

梅肉兩半

燒為霜

右三味細末糊丸梧子大每服二十九白湯送

下或奇良湯送下

梅肉丸和方 一切微瘡要大瀉下者主之

梅肉去核 山厄子各一錢二分 巴豆四分 輕粉一錢炒

右糊丸每夕臨臥用之則天明必大瀉而以糜

粥養助之

○下疳瘡小便淋瀝莖中學痛者蓋兼瘰癧閉也或兼

疝狀者草薺龍膽湯參苓琥珀湯之類主之而癰瘡

筋攣未止莖中痛甚者柴胡緩筋湯主之

草薺龍膽湯自製 下疳瘡莖中淋瀝小便難通者主

之

草薺二錢 龍膽一錢半 車前子 白朮

滑石各一錢 甘草

右六味照常水煎服

參苓琥珀湯衛生寶鑑 治下疳瘡淋瀝莖痛自脇下相牽

帶疝狀者

人參五分 茯苓四分 琥珀 柴胡

澤瀉各三分 當歸尾二分 延胡索七分 甘草

川練肉各一錢 燈心一團

右十味照常煎服

柴胡緩筋湯家方 治下疳瘡久而不愈莖中淋瀝其

人肝木上衝筋脉攣急者<sub>上</sub>

柴胡 鈞藤鈎 當歸 白朮

芍藥 真阿膠 山梔子 茯苓

甘草 各等分

右九味照常煎服

○下疳瘡其人薄弱瘡色灰白膿汁清稀脉微瀉者  
虛候也專勤補托要使之發梅毒瘡不然則毒氣不除  
遂竄入筋骨之間而後自必為種種之異證故其枋  
補氣撥毒飲主之或患之已久膿汁清稀不結痂不  
合口者加味六味丸料主之或虛人瘡口雖小疼痛

最甚陰腫如斗者阿膠附子湯主之右件疳瘡外傳  
鳳凰散佳

補氣撥毒飲家方 虛弱人瘡勢未甚膿汁清稀者主  
之

白朮 黃芪 肉桂 柴胡

升麻 當歸 各一錢 反鼻 分 人參

甘草 白芷 各五分

右十味照常煎服

加味六味丸料

六味地黄丸料見諸方書加黃蘗智母麥門冬

水煎服

阿膠附子湯家方 治虛人疔瘡陰莖腫大如斗疼痛不止者是溫散之良劑也

阿膠二錢 附子一錢半 甘草一錢

右水煎服惟亨云大抵此證之治主清熱解毒若溫散者此治之變例也

鳳凰散 治羸者瘡口難愈者良方

鳳凰退一味燒存性為細末香油調傳而要其人靜坐一日不動作瘡則結痂

○玉莖無瘡口卒然腫大不甚痛恰如病水腫者蓋

嘗傷玉莖經洗浴水氣入莖中之所致也非陰蝕瘡之類宜毫針破之使水氣洩散而藥礬散敷之藥礬散家方 能消陰莖腫大者

黃藥一錢 枯礬五分 黃丹八分

右三味各細末水調塗之

清肝滲濕湯正宗 治浴後水腫證及玉莖連翠丸濕腫如猪肚小水不利墜重作痛者

蒼朮 白朮 茯苓 山厄

厚朴 澤瀉 陳皮 木通

天花粉 昆布各一錢 甘草五分 木香三分



川芎 當歸各五分

右十四味照常煎服若發熱紅色者加黃連龍胆草七分

○疔瘡包莖者以薰洗膏傳難徹內故最為難治焉鐵鏞為末傳莖口則能引藥氣而外皮甚硬者可以刀割之若夫怕剪割者或用腐藥腐藥俟而後及洗膏通用地骨皮黃蘗各七錢以水四合煮取二合頻頻洗之內服清肝解毒湯或兼靈粉丸則愈

○凡下疳瘡皮損痛極不能忍者前件方法皆備之而正宗珍珠散亦宜臨時用之其輕證瘡口漸漫延不劇痛膿汁亦不多在再經日者雖速愈瘡口無後患茄皮散天石散主之

珍珠散正宗 治下疳腐爛痛甚及諸瘡新肉已滿不能生皮者湯潑火燒皮損疼痛不已者亦佳

青缸花五分 珍珠一錢 真輕粉一兩

右三味共研細如飛麪入確收之凡下疳初起纔損皮者搽之即愈至腐爛疼痛者甘草湯洗淨雞卵汁調搽

茄皮散俗方 愈瘡口最妙

茄皮黑霜一錢 阿仙藥 黃蘗各七分

右三味細末搽患處妙

天石散 家方 瘡口速愈之捷劑

天石 五倍子各五分 阿僊藥四分 輕粉少許

右四味為末以唾搽之

便毒

○凡於兩跨合縫之間生結腫者名曰便毒或曰魚

口或曰橫痃字書云痃小腹下腫是也正宗云左為魚口右為便毒者非也回春云便毒潰破即魚口瘡也以形名之也是為得

或曰血疔蓋忌便毒名改之乎然以血疔便毒為一物者誤也血疔乃疔氣之屬其塊堅硬在小腹傍近跨七處腫起不甚者也俗呼疔

毒裡言又曰其他瘰癧下疳橫眼疔疔血疔外疔魯氣

露瘰癧跨馬癭騙馬墜路岐之類皆其異稱也形小而生于

問者曰初生下疳瘡而後生便毒者多因努力忍其痛

而發之也或雖疳瘡已愈毒氣未盡蘊蓄經隧而發

之也又未發疳瘡而生便毒者或因交接之間忍精

強固或欲交不得或強忍尿敗精凝滯於經隧而發

之也故必腫痛是此病之大略也

治法

○凡病便毒素有微毒狀候而氣稟薄弱者要與補托之藥使之發揚梅瘡也不然則其毒浸肌肉筋骨而為後患最甚是所以議之於初證便毒也素無微候唯係此毒者結腫累累色不變亦無寒熱宜投內消之治也或已成而紅核腫痛發熱焮疼者宜撥毒而潰之或實證初發結腫堅硬如石難以起坐者宜下之而挫其毒勢或瘡孔甚深腐爛腫痛膿水却清稀者或斂一口則又潰一口者皆氣血虛乏毒勢不

能減也專與補托之諸方且啖雞肉調順氣血而後宜用鮮毒之藥劑

○凡壯盛之人忍精強固敗精凝滯與瘀血疝毒相搏則生似便毒之瘡於腰跨之下橫骨之上所謂血疝也治方以隔蒜灸頻煖之內服清肝解毒湯則消散

○大凡病便毒其人壯實則頻投撥毒之劑以潰膿為功故初發未起脹者當少與肉食而且使之強步履周旋焉藥劑則以敗毒加減之方而猶未起脹則以伯州散溫酒送下之

○太凡便毒其人壯盛且強請速治者或以羅牟世伊多刮割之外貼潰腐之膏內服伯州散則其效甚速然此術非不得已者則不可施也恐得好竒之目而已

敗毒加減方 家方 太凡便毒焮紅腫痛發熱欲起脹

者主之 芫桔 芫 獨 芫 芫 枳 參 生

即人參敗毒散加牛房子防風連翹或穿山甲

本方人參不可去坊問綱廣東參者亦用

伯州散 我邦上古方書所謂伯耆藥也 凡便毒難脹潰者服之即發

反鼻 生京師并濟之地者最效酒炙忌銅鐵 鹿角 霜白燒

毛鱗 山木沉香 皂角刺 各等分 甘草 減半

右細末温酒送下

麵粉散 一醫家傳方 治便毒不起脹及不潰者

麵粉 白芥子 研各八分

右二味盛絹袋浸滾湯頻頻熨患處神效

○太凡便毒初起其人壯實而難起脹者宜內消諸

方 輕重隨證方宜權量而用之也 其毒勢猛烈連少腹者以梅肉丸下之

預防後患 用內消諸方而其毒勢未解者隔日二三日屢下之則能免後患宜量虛實而施之

山甲內消散 正宗張氏鑿通名曰通真散 凡魚口便毒橫痃未成膿者

用之內消

當歸梢

甘草

大黃錢各三

穿山甲炒三片

僵蠶

黑丑錢各一

土木鱉三箇

右水酒各一椀煎八分空心服

消疰散

家方

便毒疰腫消解之主方

大黃二錢

川芎一錢

反鼻

蕎麥各八分

右細末以溫酒送下之

消毒飲

玉機微義

便毒初發三四日之間用之可消

皂角針

金銀花

防風

當歸

大黃

甘草

瓜蒌仁各等分

右咬咀水酒各半食前溫服

消解飲

家製

便毒已發熱毒盛者主之

荆芥

防風錢各五

牛房子一錢半

甘草三分

牛膝一錢

杜仲

木通

防已

天花粉

金銀花各五分

右水煎服膿盡後芎歸湯加紅花生地黃牛膝

天花粉煎服

兩解湯

入門

便毒內蘊熱氣外挾寒邪精血交錯腫

結疼痛者主之

疎桂

大黃

芍藥

澤瀉

黑丑

桃仁錢各一

乾姜五分

甘草二分

右水煎服此方無熱最甚焮紅腫結者強欲內消則宜量證而用之

消毒飲 微瘡秘錄 治便毒單生腫硬大作痛者

當歸尾 甘草 熟大黃

黑丑 各三錢 僵蠶 貝母 各二錢

右酒水一大鍾煎八分空心服渣再煎服

黑丑散 家製 便毒內消之單方

黑牽牛子一味極細末溫酒送下凡便毒病勢

欲進者草薺解毒湯兼此藥則預除後患

消核散 同上 便毒合口瘰後餘核未消者主之

虎杖一味為末每服一錢日二夜一白湯送下之

○凡稟受虛弱而病便毒者專要調養內托而使之發微瘡也不然則其毒游溢諸經後日必為難名狀之病故醫療在察於其始耳太抵先用補氣撥毒飲而後應輕重用正宗內托散入門活命飲也  
內托散 正宗 便毒已成未潰膿因其證薄弱難內消者主之

川芎 當歸 黃芪 各二錢 白朮

金銀花 天花粉 皂角針 各一錢

甘草

澤瀉各五分

右照常溫服予嘗用此方加酒少許益佳

活命飲入門 便毒初發未潰腫痛甚難忍者主之

甘草

芍藥

白芷

天花粉

貝母

乳香各二錢

防風七分

當歸尾

皂角刺

陳皮各一錢半

金銀花三錢

沒藥五分

大黃五錢

穿山甲三片

右入好酒少許水煎服

○便毒潰後形體虛白膿汁清稀元氣不充者十全

大補湯加附子主之

○凡便毒橫痃癰疔及諸瘡久而不斂口者伯州散主之

○便毒潰後膿汁淋漓久而不斂口者宜食雞肉雞卵及鰻鱺魚一切好魚肉而充其氣且用千金內托散之類數日後以隨證解毒方治之

○凡便毒無餘證其人亦壯實而經年不愈膿水淋漓者宜以結毒諸方治之

楊梅瘡之為瘡名稱不一矣或取於形狀之近似或取乎初起之地名或因字音假借呼之或原其病名之焉所謂楊梅瘡綿花瘡砂仁瘡茱萸瘡果子瘡者以形似名之天疱瘡大疱瘡者亦以類其證稱之也廣瘡廣東瘡廣痘廣豆者皆以所起之地名之亦猶邦俗謂疥瘡呼肥前瘡也賣瘡陽徵者蓋借其音也唯稱徵瘡者則此病之本稱濕淹徵蒸之意也

楊梅瘡

○醫學入門云形如楊梅嫩紅濕爛痒痛屬心多生乳脇形如鼓釘黃豆者屬脾多生滿面謂之大風疽



形如綿花屬肺多生毛髮形如紫葡萄按之緊痛者屬肝腎多生腰臀及筋骨之處形如魚泡內多白水按之不緊者謂之天疱瘡惟亨按此論雖以瘡形與出處強分其必為穿鑿之論唯至結毒頗不同

○外科正宗云但氣化傳染者輕精化慾深者重故氣化乃脾肺受毒其患先從上部見之皮膚作痒筋骨不疼其形小而且乾精化乃肝腎受毒其患先從下部見之筋骨多疼小水淋漓其瘡形大而且硬如氣化者毒在皮膚如精化者毒在骨髓惟亨按氣化精化輕重之說最得矣然先見上部先見下部之說未必然也

○凡揚梅天疱之類未有不病下疳便毒而發者也蓋以濕熱邪火蘊積于內故其發也先在衝任督三脉積日不解遂為惡瘡于皮膚腠理之分也醫者須於此間治之苟失其正鵠而一逆治則必為遍身骨疼筋攣痿軟使之失動作之用再逆則傷眼耳口鼻使之失聰明三逆則形容崩壞不能與人應接者此類世屬有焉又猶彼傷寒家之失治至壞證而不可救也醫者豈可不深察哉患者亦可不擇其所任哉  
○梅瘡始隱隱在皮裏徐而發先如廣豆而紅暈最多頭面胸肋肩背次之手足臂腿又次之發後十四

五日許而結瘡痂者順也始已發瘡形其色不赤經  
六七日瘡形平塌而漸漸浸淫潰膿惡臭不可當者  
多漫延歲月宜從結毒諸治也

○梅瘡之發也始生疔瘡起白疱者虛也始起瘡口  
焮腫起脹者實也先察其虛實所係而後可議治

○發揚梅瘡過十數日半瘡稍結瘡痂兼見筋骨疼  
痛者或瘡痕膿潰浸淫臭穢者或遍身腫塊累累然  
者據輒近之方書則先用搜風解毒仙遺糧湯之類  
是平穩允當之治法也然不如用予麟角解毒湯之  
驗也若夫元氣虛弱者先宜與正宗歸靈湯而緩緩

議治也

○梅瘡之發也有疔瘡便毒瘡後單發梅瘡者或有  
二證未瘥而已發者或有兼見筋骨疼痛者俱宜敗  
毒諸劑然其疼痛最甚者以予隨證結毒治方治之  
或頭痛如裂或耳鳴啾啾或目暗眈眈或口舌破裂  
或咽喉腐爛或飲食入咽出鼻之類皆當照結毒方  
法治之

○發梅瘡而頭面生磊塊數箇經久不破或發潰出  
膿汁積年累月不收口或眼中疼痛生紅縷或如注  
朱或唇吻生紫黑贅瘤久而潰穿出黃汁不止者遂

至缺蝕或頸腋生結核數枚累累者面色怏怏不樂望之如腫者此數件不拘梅瘡之發與未發皆照結毒方處之

治法

○楊梅瘡初起惡寒發熱瘡勢暈紅上實頭痛者屬氣化傳染以後方主之

敗毒加三味方家方

敗毒散本方去人參加白蘚皮連芫防風水煎服

○陽微瘡但覺痛痒而脉證無虛候形體潤澤精神

清爽者宜家方排毒劑此方一切瘡疥腫瘍通用之劑也

排毒劑家方

荆芥 防風 蒼朮 茯苓

獨活各一錢 桔梗 川芎 枳實各五分

甘草 生姜少

右照常煎服

○陽微瘡初起瘡形大而硬筋骨多疼小水苦澁者因精化慾深也先服家方排毒劑四五日而與加減防風通聖散通利三焦熱邪則預除後患

加減防風通聖散入門

防風 白蘚皮 芍藥 連翹

黃芩各八分 牛房子一錢 金銀花三分

山厄子 當歸尾各五分 荆芥 槐花各四分

姜蠶 甘草各三分

右水煎服便秘加太黃最多上部者加川芎薄

荷下部加牛膝黃柏

○楊梅瘡漫延皮膚糜爛臭穢不可近兼見筋骨疼痛者毒勢最為熾盛宜解毒發表兼行也檮木解肌湯主之

檮木 土茯苓各三錢 金銀花 荆芥

地黃 芍藥 防風各三錢 忍冬一錢半

黃蘗一錢 甘草三分

右十味哎咀以水三合煮取二合去滓溫服

○陽微瘡氣逆上衝熱甚氣血虛胃火熾烈作渴之類竹葉黃芪湯主之

竹葉黃芪湯

竹葉 生地黃 黃芪 麥門冬

當歸 川芎 黃芩 芍藥

人參 半夏 石膏 甘草各等分

右照常煎服

○前證頭痛如破目眩耳鳴熱盛咽喉痛者辛夷清涼飲主之方見結毒部

○楊梅瘡潰爛成片膿穢多而疼亦甚者正宗鵝黃散摻之則愈

鵝黃散

石膏煨 輕粉煨 黃柏炒

右為細末摻爛瘡上即可生疤

○凡瘡愈後癩痕紅黑不滅者用木黃白礬等分同研擦患處其痕即去

○楊梅瘡斑爛若遺毒浸淫膚肉欲蝕盡者宜三生油傳之

三生油

麝香 蟾蜍各五分 人油一錢半

右三味碾調傳之日二三次即愈

瘡約言卷之上終



